

用於斯堪可認玄玄

詠眼

如日光明似水晶燭人鑑物愈惺惺只觀粉貌空虛境肯覽黃  
庭內外經眸子正安難見道童兒端坐不瞻形教公若遇金樞  
子刮盡塵睛慧自明

自悟

齒落髮華現老軀本靈猶自戀癡愚市中來往千人祿山上清  
虛負月孤擺徹水泉團火氣撥開煙焰指冰湖從茲舒展紅霞  
腳踏碎純陰這轆轤

詠劍

惺惺寶劍最分明越礪磨礪對我呈高舉劈開新道眼一揮斬  
斷舊心情朝生瑩淨渾無染夜吐光芒更有聲戰退妖魔邪氣  
力盡投空外化成形

仲正宅

今日清明賞水廳堪爲佳宅總康寧兒孫女婦渾家慶德行荷  
蓮一道馨退已進人爲仲正休心積善勝看經時來同處青山  
外萬頃白雲作畫屏  
昨宵夢請八神仙便付鸞衣降玉編數幅鸞牋鋪錦繡一枝象  
管走雲煙廣留教法開心地善寫詞詩種福田祕密天機誰得  
悟害風風害獨能傳

道藏輯要

重陽全真集

五 下 胃集一